



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Breviario Concionatorio, Strenæ, Fidelis Prophetissa Concionibus de B. M. Virgine serviens, Conciones Occurrentes & Funebres

Tylkowski, Wojciech

Oliva, 1686

De Eodem.

[urn:nbn:de:hbz:466:1-51821](https://nbn-resolving.org/urn:nbn:de:hbz:466:1-51821)

De Eodem Funere Fragmentum.

CUM esset mortuus Lazarus Martha accepit solatium; *Qui credit in me non morietur in aeternum.* Hæc verba vobis in cæli superstites explicabo.

Omnes affirmant necessè esse mori. Theologus Hebr. 9. *Statutum est hominibus semel mori.* Pf. 88. *Quis est homo qui vivet, & non videbit mortem?* & Pf. 38. *Veruntamen in imagine portransit homo.* Job. 14. *Homo fugit velut umbra, sicut mercenarii dies ejus.* Expectat solutionem. Ex Philosophis Trismegistus. *Homo est DEUS sed mortalis.* Plato, *Homo est lusus locustæ decorum.* Logici, *Homo est Enthymema brevis.* Physici, *Homo est ens variabile, mobile.* Mathematici, *Homo est sphaera mobilis.* Poëtæ fingunt tres Parcas. *Habet in se homo mortis secretariam, Materiam primam, Natura nos clamat mortales.* Matth. 6. *Considerate lilia agri.* Isai 6. *Omnis caro fenum.* Ambr. *Rotam spectat sapiens ut humana fragilitatis speculum.* Rosis ut Basil. hexam 5. *Spinæ post peccatum Adæ accesserunt.*

Sed mors est triplex. 1. Secundùm carnem. Pf. 101. *Homo sicut fenum dies ejus tanquam flos agri.* 2. Peccati, Geneleos 2. *In quacunque hora comedetis, morte moriemini.* 3. Aeterna, Luc. 16. *Mortuus est dives & sepultus est in inferno.* In Morte triplex terror 1. Ipsius mortis 1. Reg. 15. *Siccine separas amarâ mortis?* 2. Judicii Job. 9. *Verebar omnia opera mea Domine, sciens quia non parceres delinquenti.* 3. Damnationis Pf. 6. *In inferno qui constabitur tibi?* Noverat se mortalem N. in eo fuerunt sicut in flore. Color generis, Odor meritorum, Proportio vitæ bonæ. Merita sunt odor. 1. Cor. *Christi bonus odor sumus in omni loco,* demeritus Regem defunctus, Patriam. Proportio Juvenis cum studet. In Conjugio Proportio, Amoris, Honoris, Veritatis.

tatis. Considerabat proportionem, cum DEO, multa bona fecit, proportionem cum sacerdotibus, eos honorando, Reddamus jam illum Christo.

In Funere cujuslibet Fragmentum.

SANCTUS Th. Villan. Conc. de S. Ildes. *Insidiosus latro mors est qui nec prouideri potest nec fugari: qui si dormientem inuenit jugulat, si uigilantem dissimulat, salve inquit o amice, salve, sum legatus summi Regis, te ad nuptias uocat.* Quare Christus uult nos similes esse hominibus expectantibus Dominum suum. Quid non auferet homini iste latro nisi uigilauerit? Ipse etiam Dominus, ut Bern. Dom. 1. post Epiph. serm. 1. *Veniet expectantibus tanquam reuertens à nuptiis inebriatus uino charitatis & immemor iniquitatum nostrarum. Veniet non expectantibus reuertens à nuptiis tanquam potens crapulatus à uino uerè ebrius & immemor miserationum suarum, tunc enim quantum ad illos, obliuiscetur misereri DEUS, ueniet in ira & indignatione tanquam furibundus.* Infelix uerò est qui dum sanus est, dormit in peccatis: & primò in morte constituit e uigilare. De talibus S. Th. de Villan. conc. de S. Ildes. Pl. 15. illa uerba intelligit. *Multiplicate sunt infirmitates eorum & postea accelerauerunt, non congregabo conuenticula eorum de sanguinibus, nec memor ero nominum eorum per labia mea.* Ita hæc uerba S. Th. explicat l. 2. *Hoc est, neque eos à suis sanguinibus peccatorum mundabo, nec ero amplius memor eorum.* Quod licet omnes metuere debent, præcipuè tamen illi qui sunt in dignitatibus, quorum cura aliis incumbit qui alios uel bono exemplo in bonum trahunt, uel malo præcipitant in infernum. De Sacerdotibus dixit S. Vincent. Conc. de S. Jo. Bapt. *Unus Presbiter damnat unum populum propter scandalum & detractiones.* S. Franc.